



NEWSLETTER BR. 43

SEPTEMBAR 2018

SADRŽAJ

FIPA AKTIVNOSTI ≡

- » NOVOIMENOVANI AMBASADOR BIH PRI MISIJI OSCE-A I UN-A U BEČU POSJETIO FIPA-U
- » BIH ŽELI INVESTICIJE IZ JORDANA, IRAKA I LIBANA
- » PREDSEDNIK PRIVREDNE KOMORE KORUŠKE POSJETIO FIPA-U
- » FIPA U POSJETI CITY TOUR D.O.O. BRČKO
- » NOVI AMBASADOR BIH U ITALIJI NA PRIPREMAMA U FIPA
- » FIPA UČESTVOVALA NA SVJETSKOJ INVESTICIJSKOJ KONFERENCIJI U XIAMENU, KINA
- » KROZ POSTOINVESTICIJSKU PODRŠKU FIPA-E I SARADNIČKE MREŽE OTKLONJENO PREKO 150 IDENTIFICIRANIH PREPREKA ZA INVESTIRANJE
- » FIPA U POSJETI KEFO D.O.O. ISTOČNO SARAJEVO

FIPA POSLOVNE VIJESTI ≡

- » RASPIŠAN POZIV ZA DODJELU KONCESIJE ZA IZGRADNJU SOLARNE ELEKTRANE U LJUBINJU
- » KONAČNO KREĆE IZGRADNJA VJETROPARKA TRUSINA KOD NEVESINJA

FIPA AKTIVNOSTI ≡



NOVOIMENOVANI AMBASADOR BIH PRI MISIJI OSCE-A I UN-A U
BEČU POSJETIO FIPA-U



BIH ŽELI INVESTICIJE IZ JORDANA, IRAKA I LIBANA





NOVOIMENOVANI AMBASADOR BiH PRI MISIJI OSCE-A I UN-A U BEČU POSJETIO FIPA-U



U okviru priprema za diplomatsku misiju, novoimenovani ambasador BiH u Velikoj Britaniji Valentina Marinčić posjetila je Agenciju za unapređenje stranih investicija BiH (FIPA) kako bi se upoznala s ekonomskom suradnjom između dvije zemlje, s fokusom na britanske investicije do sada realizirane u BiH. Direktor FIPA-e Gordan Milinić je predstavio rad Agencije na privlačenju stranih investicija i mogućnostima za ulaganje u BiH, te atraktivnim sektorima za strane investitore, te dosadašnju ekonomsku suradnju između dvije zemlje. Također je istaknuo potrebu značajnijeg angažmana bh. ekonomske diplomatije na polju promocije zemlje i privlačenja investicija iz Velike Britanije s obzirom na dešavanja vezana za Brexit, pri tome ističući da je FIPA uspjela animirati tokom dvije prethodne godine bh. ekonomsku diplomatiju na način da su počeli organizirati investicione konferencije na kojima se predstavljaju mogućnosti za ulaganje u BiH. Navedeno je učešće FIPA-e na investicionoj konferenciji koja je održana u novembru 2017, gdje su uspješno predstavljeni potencijali Bosne i Hercegovine za ulaganje. Velika Britanija je deseta na listi zemalja investitora u Bosni i Hercegovini, te da dosadašnji nivo investicija, prema podacima Centralne banka BiH, iznosi 229 miliona eura. Neke od značajnijih britanskih investicija su : EFT-Rudnik i Termoelektrana Stanari d.o.o., Mineco – Rudnik olova i cinka Sase, STEELMIN LIMITED UK - Steelmin BH d.o.o. Jajce, RPC Superfos Balkan d.o.o. Gračanica, Excel Assemblies BH d.o.o. Maglaj, itd.

Od ambasadora se očekuje da prisustvuje privrednim skupovima, uspostavi suradnju s komorskim sistemom Velike Britanije i ostalim udruženjima nadležnim za privredu kako bi se poboljšala ekonomska suradnja između dvije zemlje na polju investicija i izvoza. Dogovoreno je da se pokuša organizirati privredna manifestacija o promociji BiH tokom 2019.



BIH ŽELI INVESTICIJE IZ JORDANA, IRAKA I LIBANA



U okviru priprema za diplomatsku misiju, novoimenovani ambasador BiH u Jordanu i nerezidentni za Irak, Liban i Siriju, Mato Zeko posjetio je Agenciju za unapređenje stranih investicija BiH (FIPA) kako bi se detaljnije upoznao s radom Agencije na polju privlačenja stranih investitora i dosadašnje realizirane suradnje između BiH i navedenih zemalja.

Direktor FIPA-e Gordan Milinić je na sastanku, pored pruženih osnovnih informacija o nadležnostima i aktivnostima Agencije, istakao značaj stranih ulaganja za ekonomski razvoj BiH, ističući da su investicije iz Jordana veoma skromne, te da iznose 300.000 KM. Investicije iz dvije preostale zemlje su također jako niske. Od ambasadora se očekuje da uspostavi kontakte s kompanijama, privrednim udruženjima i ostalim relevantnim institucijama Jordana, kao i Iraka, i Libana radi povezivanja privrednika i promocije zemlje.

Pored toga, potrebno je razmotriti mogućnosti organiziranja poslovnih skupova u spomenutim zemljama na kojima bi se predstavile investicione mogućnosti Bosne i Hercegovine.



PREDSJEDNIK PRIVREDNE KOMORE KORUŠKE POSJETIO FIPA-U



Direktor Agencije za unapređenje stranih investicija BiH (FIPA) Gordan Milinić razgovarao je s delegacijom Privredne komore Koruške na čelu s predsjednikom Jurgenom Mandlom, te trgovinskim savjetnikom Ambasade Austrije u BiH Andreasom Meindlom o mogućnostima ulaganja austrijskih firmi u Bosni i Hercegovini u narednom periodu.

Direktor Milinić upoznao je austrijske privrednike o trendu priliva stranih ulaganja u BiH, istakavši da je Austrija najveći strani investitor u BiH, te da će FIPA učiniti napore kako bi se broj austrijskih kompanija dodatno povećao u našoj zemlji.

G. Mandl je istakao da Privredna komora Koruške surađuje dugi niz godina s Privrednom komorom Kantona Sarajevo, te da raste broj kompanija iz regije Koruška koje su iskazale zainteresiranost za ulaganje u industrijsku proizvodnju u BiH, te da je cilj posjete BiH upravo istraživanje dodatnih mogućnosti za svoje kompanije.

Predstavnici FIPA-e su informirali privrednike o uvjetima poslovanja u BiH, koracima u pokretanju privrednog društva, osnivanju poslovnih zona, kao i sektorima koji bi mogli biti interesantni austrijskim investitorima. Razgovarano je i o programu Aftercare kojeg FIPA realizira na način da nastoji zajedno s nadležnim institucijama ukloniti administrativne barijere s kojima se strane firme suočavaju u okviru svog poslovanja u BiH, uključujući i nekoliko kompanija iz Austrije kojima je pomogla u prethodnom periodu.



NOVI AMBASADOR BIH U ITALIJI NA PRIPREMAMA U FIPA



Novi ambasador BiH u Italiji Darko Zelenika posjetio je Agenciju za unapređenje inostranih investicija u BiH - FIPA i sa direktorom Gordanom Milinićem razgovarao o novim koracima koje treba preduzeti da se povećaju italijanske investicije u BiH.

Italija je trenutno osma na listi zemalja stranih investitora u BiH, sa ukupno dosad uloženih 603 miliona KM. Italija i BiH imaju potpisan Sporazum o zaštiti i promociji investicija i Sporazum o izbjegavanju dvostrukog oporezivanja, što značajno olakšava postupak oko realizacije investicija.

Postoje veliki interes i šanse za nove italijanske investicije u metaloprerađivački sektor, drvnu industriju, tekstilnu industriju, poljoprivredu i turizam. U maju sljedeće godine, tridesetak kompanija iz BiH će biti gosti velikog sajma MACFRUT u Riminiju radi realizacije projekata u poljoprivredi, a u junu se planira i održavanje poslovnog foruma Italija - BiH u Rimu, u suradnji s Privrednom komorom Italije i udruženjima italijanskih preduzetnika.



FIPA UČESTVOVALA NA SVJETSKOJ INVESTICIJSKOJ KONFERENCIJI U XIAMENU, KINA



Direktor Agencije za unapređenje stranih investicija BiH (FIPA) Gordan Milinić učestvovao je na 23. godišnjoj Svjetskoj investicijskoj konferenciji (WIC18), upravo održanoj u Xiamenu, Kina. Godišnja konferencija održana pod temom “Nova era u direktnim stranim investicijama” okupila je više od stotinu vodećih državnih agencija za promociju investicija (IPA), globalnih lidera i stručnjaka u oblasti stranih direktnih investicija (SDI), lidera međunarodnih organizacija, šefova finansijskih institucija, vodećih političkih ličnosti, predstavnika privatnog sektora, istaknutih ekonomista, globalnih kompanija i istraživača iz više od 60 zemalja širom sveta. Ovo je vodeći događaj Svjetske asocijacije agencija za promociju investicija (WAIPA) kojoj su domaćini bili CIFIT (Kineski internacionalni sajam za investicije i trgovinu), Agencija za promociju investicija u Kini (CIPA) i Internacionalni Konferencijski Center Kine Xiamen. Konferencija je bila fokusirana na osnaživanje i unapređenje kapaciteta agencija za strana ulaganja i njihovog korporativnog razvoja uz podršku međunarodnih tijela u globalnoj zajednici. Naglašeno je da su strane direktne investicije od vitalnog značaja za održavanje i jačanje ekonomskog rasta svih država, a naročito država u razvoju. Direktne strane investicije podstiču tehnološke inovacije, prenos znanja, doprinose stvaranju novih radnih mesta i stvaraju nove proizvodne kapacitete u globalnoj ekonomiji. Svi učesnici konferencije su se složili da je za privlačenje stranih investicija najvažniji rad na unapređenju poslovnog ambijenta pa je preporuka skupa vladama svih država da olakšaju uslove investiranja, a takođe da otvaraju što više poslovnih i slobodnih zona za strane investitore. Agencije su jednoglasno zaključile da se mora pojačati postinvesticiona podrška postojećim investitorima, jer oni značajno doprinose i dolasku novih investitora. Učestvujući na konferenciji, Milinić se susreo s velikim brojem stranih investitora s kojima je razgovarao o mogućnostima ulaganja u BiH i potencijalima koje Bosna i Hercegovina može ponuditi investitorima. Također, održani su sastanci i s nekoliko vodećih kineskih kompanija s kojima je dogovorena posjeta BiH.



KROZ POSTOINVESTICIJSKU PODRŠKU FIPA-E I SARADNIČKE MREŽE OTKLONJENO PREKO 150 IDENTIFICIRANIH PREPREKA ZA INVESTIRANJE



Izveštaj o postinvesticijskim (aftercare) aktivnostima Agencije za unapređenje stranih investicija u Bosni i Hercegovini – FIPA BiH realizovanim tokom 2017. godine predstavljen je 12. septembra u Sarajevu.

Program postinvesticijske podrške (Aftercare) FIPA provodi od 2007. godine, a od 2013. godine u okviru Programa uspostavljena je Saradnička mreža kao mehanizam saradnje između institucija na svim nivoima vlasti u BiH koje doprinose bržem prevazilaženju prepreka prilikom realizacije investicijskih projekata, te na taj način aktivno doprinose unapređenju poslovnog okruženja u okviru svojih nadležnosti. S obzirom na to da aktivnosti Saradničke mreže imaju fokus na rješavanju administrativnih izazova s kojima se investitori susreću, Agencija, zajedno s predstavnicima jedinica lokalne samouprave, entitetskim i državnim institucijama, članicama Mreže, posjećuje investitore aktivne u BiH i s njima obavlja strukturirane razgovore u cilju prikupljanja informacija i identifikacije administrativnih barijera za investiranje. Prikupljene informacije na terenu FIPA BiH analizira i delegira nadležnim državnim, entitetskim i lokalnim organima na razmatranje, te preporukama predlaže njihovo rješavanje. Saradnička mreža danas broji 40 članica, a kroz nju je od 2013. godine do dec 2017. posjećeno je 159 kompanija. Ukupno je identificirano preko 150 ad hoc otvorenih pitanja. Veliki dio ovih pitanja je riješen aktivnim zalaganjem i učešćem institucija. Za 12 kompanija trenutno se radi na rješavanju otvorenih pitanja. Predložene su 204 reformske mjere od kojih je 20 potpuno realizovano, 25 djelimično, 45 je u proceduri, za 10 prepreka još uvijek nisu pokrenute aktivnosti. Prema prezentiranom izvještaju za 2017. godinu, koji je usvojilo Vijeće ministara BiH Agencija je samostalno ili u okviru Saradničke mreže obavila 50 posjeta investitorima koji su do sada investirali 836,5 miliona KM (427,7 miliona eura) i zaposlili 5.457 bh. radnika, od čega je 4.114 novozaposlenih. Analiza rezultata je pokazala da je 78.3%, zainteresirano za proširenje i unapređenje svog poslovanja, a 84,8% planira povećanje zaposlenosti u naredne tri godine i 1.967 novih radnih mjesta. Upravo iz ovog razloga od ključnog je značaja da svi nivoi vlasti u BiH, uoče značaj aktivnosti koje se provode putem Saradničke mreže, te se uključe u njen rad i daju maksimalnu podršku u rješavanju otvorenih pitanja koja stoje na putu realizacije ovih investicijskih planova.

Međunarodna finansijska korporacija IFC, članica Grupacije Svjetske banke, u saradnji s Ambasadom Velike Britanije putem projekata Privlačenja investicija i unapređenja poslovnog okruženja na lokalnom nivou „LIFE“ i Unapređenja poslovne klime i pristupa tržištu „ICAM“ podržava rad i pruža tehničku podršku Programu postinvesticijske podrške u BiH i realizaciji aktivnosti Saradničke mreže u BiH.



FIPA U POSJETI KEFO D.O.O. ISTOČNO SARAJEVO



Kroz nastavak aktivnosti „Aftercare“ unaprijeđenog programa postinvesticione podrške postojećim stranim investitorima u BiH, predstavnik FIPA-e Tanja Bojović Simić je 12.09. 2018. godine posjetila firmu Kefo d.o.o. sa sjedištem u Istočnom Sarajevu.

Kefo d.o.o. posluje od 2009. godine u Bosni i Hercegovini i broji pet zaposlenih. Kompanija je 100% u stranom vlasništvu – Slovenija, a osnovna poslovna djelatnost je trgovina hemijskim proizvodima. Zadovoljni su poslovnim okruženjem u našoj zemlji, a kako su naveli osnovni razlog investiranja jeste širenje tržišta, s obzirom da kompanija Kefo već duži niz godina posluje u svim bivšim republikama izuzev Makedonije i Crne Gore.

Na sastanku se razgovaralo o poslovanju u našoj zemlji, budućim planovima kompanije, kao i o uspješnom rješavanju otvorenih pitanja stranih investitora uz pomoć predstavnika FIPA-e.

FIPA POSLOVNE VIJESTI ≡



„SLOVAČKI SAJAM UMREŽAVANJA BRATISLAVA 2018“, UTORAK, 13. NOVEMBAR 2018



USVOJENA OKVIRNA ENERGETSKA STRATEGIJA BIH DO 2035





„SLOVAČKI SAJAM UMREŽAVANJA BRATISLAVA 2018“, UTORAK, 13. NOVEMBAR 2018



Slovačka agencija za razvoj investicija i trgovine (SARIO) Vas poziva da učestvujete na Slovačkom sajmu umrežavanja privrednika koji se održava 13. novembra 2018. godine u Bratislavi.

Slovački sajam umrežavanja je najveći međunarodni privredni skup business-to-business (B2B), koji u Slovačkoj organizira Slovačka agencija za razvoj investicija i trgovine (SARIO).

Ovaj skup je fokusiran na bilateralne razgovore pojedinačnih kompanija, kao i prezentaciju ponuda za uspostavljanje partnerstava na principu podugovaranja, tendera, raspoloživih proizvodnih kapaciteta, zahtjeva za osnivanje zajedničkih kompanija sa stranim partnerima i pronalazak partnera za saradnju.



USVOJENA OKVIRNA ENERGETSKA STRATEGIJA BIH DO 2035



Vijeće ministara Bosne i Hercegovine (BiH) donijelo je odluku o usvajanju Okvirne energetske strategije BiH do 2035. godine, stvarajući uvjete za privlačenje IPA fondova i fondova iz Investicijskog okvira za Zapadni Balkan (WBIF) za sektor energije, kao i privlačenje ulagača u sektor.

Okvirna energetska strategija BiH, usvojena na inicijativu Ministarstva vanjske trgovine i ekonomskih odnosa, deset je godina bila predmetom pregovora između dva BiH entiteta (Federacije BiH i Republike Srpske).

Procjenjuje se da je BiH izgubila oko 200 miliona € u nedostatku strategije.

Usvajanje ovog strateškog dokumenta definira put razvoja BiH energetskeg sektora do 2035. godine, što će pozitivno uticati na investicije, kao i na tržišne i regulatorne reforme u svim segmentima energetskeg sektora.

Očekuje se da će strategija posredno pomoći u povećanju zaposlenosti, smanjenju javnog duga i poboljšanju konkurentnosti u BiH.

Energetska strategija stvorena je suradnjom relevantnih ministarstava, institucija, istraživačkih instituta, udruženja i socijalnih partnera, kao i drugih sudionika u sektoru energetike u BiH.

Temelj Okvirne energetske strategije BiH bili su entitetski strateški dokumenti energetskeg sektora.



MISIJA FIPA-E

Agencija za unapređenje stranih investicija Bosne i Hercegovine je agencija koju je osnovalo Vijeće ministara Bosne i Hercegovine, a čija je osnovna zadaća :

- Privlačenje i povećanje priliva stranih investicija u Bosnu i Hercegovinu i poticanje postojećih investitora u zemlji na dalja ulaganja i širenje poslovanja
- Poboljšanje saradnje između privatnog i javnog sektora, predlaganje mjera za unapređenje okruženja za investiranje, a s time i ekonomskog razvoja
- Predstavljanje Bosne i Hercegovine kao zemlje poželjne za strane investitore



USLUGE FIPA-E

Vijeće ministara Bosne i Hercegovine je zadužilo Agenciju za unapređenje stranih investicija da pruži podršku direktnim stranim investicijama i da olakša priliv stranih ulaganja u našoj zemlji. Agencija saraduje s institucijama vlasti i investitorima, te pomaže nadležnim vlastima da poboljšaju zakonski okvir za strana ulaganja. FIPA takođe pomaže investitorima da uspostave kontakte s javnim i privatnim sektorima BiH. Pokazatelji koji se odnose na priliv investicija, uspostava kontakata i studije privrednih sektora koje su izradili FIPA stručnjaci i nezavisni konsultanti, omogućavaju da investitori budu u potpunosti informirani o investicijskim mogućnostima koje Bosna i Hercegovina trenutno nudi. Osim toga, FIPA usko saraduje i sa ambasadama i diplomatskim predstavništvima Bosne i Hercegovine, koji takođe mogu pomoći investitorima da istraže mogućnosti ulaganja u našoj zemlji.

FIPA pruža informacije, analize i savjete potencijalnim investitorima o poslovnom i investicijskom okruženju, uključujući:

- zakonodavstvo koje se odnosi na direktna strana ulaganja
- podsticaje koji se odnose na ulaganja
- ekonomska i poslovna kretanja u zemlji

FIPA identificira i predstavlja postojeće bh. mogućnosti za strana ulaganja :

- investicijske projekte u fazi razvoja ili projekte koji su već spremni za realizaciju
- preduzeća u procesu privatizacije
- domaće firme koje traže stranog poslovnog partnera

FIPA pruža pomoć potencijalnim investitorima i onima koji su već investirali u zemlji kroz :

- saradnju s javnim i privatnim sektorom
- saradnju s vladinim i nevladinim institucijama kako bi se olakšao privredni razvoj
- saradnju s lokalnim, regionalnim i međunarodnim organizacijama kako bi se poboljšalo okruženje za ulaganja



DA BISTE SAZNALI VIŠE O USLUGAMA FIPA-E, KOJE SU BESPLATNE, KONTAKTIRAJTE NAS DIREKTNO.

Dubrovačka 6.
71000 Sarajevo
Tel: +387 22 278 080
Fax: + 387 33 278 081
e-mail : fipa@fipa.gov.ba
www.fipa.gov.ba

Ured FIPA-e Mostar
Kneza Višeslava, Office 54.
88000 Mostar
Tel/Fax: +387 36 558 815
E-mail: mostar@fipa.gov.ba

Ured FIPA-e Banja Luka
Jovana Surutke 13/III
78000 Banja Luka
Tel/Fax: + 387 51 226 180
E-mail: banjaluka@fipa.gov.ba

A map of Europe with white outlines of countries on a blue background. Bosnia and Herzegovina is highlighted in the center of the Balkans with a yellow and blue flag featuring white stars.

INVEST IN BOSNIA AND HERZEGOVINA YOUR NEW OPPORTUNITY

WWW.FIPA.GOV.BA